

**AWIG-AWIG
DESA ADAT MUNTI GUNUNG**



**DESA TIANYAR BARAT
KECAMATA KUBU
KABUPATEN KARANGASEM**

MURDHA WAKYA

Om Swastyastu

Om Awighnamastu nama sidham

Purwa pangastungkaran tityang Krama Desa Adat Munti Gunung, ring buk padan Ida Sanghyang Widhi maka sangkan paraning dumadi, Bhatara-Bhatari sane malingga ring Pura Puseh Desa Adat Munti Gunung, minakadi Pura kahyangan sami sane wenten sajeroning wawengkon Desa Adat Munti Gunung, duaning malarapan saking kerta wara nugrahan paduka Bhatara Samudhaya, karya puniki kasidhan mamargi antar lan puput.

Kaping kalih atur angayubagian tityang krama Desa Adat Munti Gunung, pingajeng ring ida dane para Panglingsir, Klihang, Pamangku, minakadi ida danesang maraga cestakara, widagdha pradnya wicaksana sareng sami, sane sampun sangkaning swecha ledang sareng mapawangun ngripta uger-uger marupa Awig -Awig Desa Adat Munti Gunung puniki, pacang kanggen sepat siku-siku sajeroning desa kantos kaungkur wekas.

Taler majeng ring Pamerintah Kabupaten Karangasem, para manggala sane mastika ngiwang patutang Awig - Awig, tityang ngaturang pangayu bagia, duaning sampun kasidhan nureksa maritetes saha mastika kantos marupa puput.

Mungguing daging ipun manut Tri Hita Karana, indik kahyangan genah ngadisthana Ida Sang Hyang Widhi Wasa. Indik pawongan pinaka krama desa, indik palemahan pinaka wawidangan wawengkon desa, mabantang antuk lekita sastra-gama, sasana, pasuara, dresta, miwah sane siosan, sane anut ring pamargin dharma agama kalih dharma nagara. Dumadak kasidhan mamanguhang kajagadhitan sakala niskala.

Om Santih Santih Santih Om


NIYASA



NO	SIMBOL	ARTOS
1	Cakra	Bujangga Kawisnon
2	Segi lima	Krama Desa Adat Munti Gunung Panca Sradha kangge dasar magama Hindu.
3	Gunung	Genah suci malingga para dewara muah Leluhur, niki makecihne ring Munti gunung samian magama Hindu.
4	Padi Lan Kapas	Pangapti kramane mangda kertha raharja nenten kirangan sandang, papan lan pangan.
5	Macan dan Singa	Satrya Dalem Wed Desa Adat Munti Gunung
6	Kulkul dan Kalpataru	Ngajegang pasuaran eling ring wed Munti Gunung kawawanin oleh pengelingsir ngeruak alas madurgama ring alas Kulkul.
7	Segilik saguluk Sabhayantaka	Pangaptinne krama setimaane masikiang angga dados asiki ring Munti Gunung lan paras parosarpanaka.
8	Desa Adat Munti Gunung	Genah krama Desa Adat Munti Gunung Jumenek mawasta Munti Gunung.

PETA DESA ADAT

PETA MUNTIRGLIMUNG



**DAGING AWIG-AWIG
DESA ADAT MUNTI GUNUNG**

MURDHA WAKYA	i
NIYASA	ii
KATATTWAN DESA	iii
WAWIDANGAN DESA	iv
DAGING AWIG-AWIG	v
PRATHAMAS SARGAH : HARAN LAN WAWIDANGAN DESA	1
DWITYAS SARGAH : PAMIKUKUH LAN PATITIS TATUJON	1
TRITYAS SARGAH : SUKERTA TATA ADAT	2
Palet : 1 : Indik Krama	2
Palet : 2 : Indik Tata Praja Desa	4
Palet : 3 : Indik Kukul	9
Palet : 4 : Indik Sangkepan, Miwah Paruman	10
Palet : 5 : Indik Padruenan Desa	11
Palet : 6 : Indik Laluputan	12
Palet : 7 : Indik Dadosan Patedunan	12
Palet : 8 : Indik Rampagan	12
Palet : 9 : Indik Bhaya	13
Palet : 10 : Indik Panyanggran Banjar, Krama Desa	13
CATHURTAS SARGAH : SUKERTA TATA PALEMAHAN	14
Palet : 1 : Indik Tegal, Bangket lan Karang	14
Palet : 2 : Indik Kakayonan	15
Palet : 3 : Indik Wawangunan	16
Palet : 4 : Indik Wawalungan	17
PANCAMAS SARGAH : SUKERTA TATA AGAMA	18
Palet : 1 : Indik Dewa Yadnya	18
Kaping : 1 : Indik Kahyangan	18
Kaping : 2 : Indik Pangaci-aci	18
Kaping : 3 : Indik Pamangku	19
Kaping : 4 : Indik Sukertan Pura Kahyangan	20
Kaping : 5 : Indik Cuntaka, miwah Sosot	21
Palet : 2 : Indik Resi Yadnya	23
Palet : 3 : Indik Pitra Yadnya	23

Bab 1	Bab 2	Bab 3	Bab 4	Bab 5	Bab 6	Bab 7	Bab 8	Bab 9	Bab 10	Bab 11	Bab 12	Bab 13	Bab 14	Bab 15	Bab 16	Bab 17	Bab 18	Bab 19	Bab 20	Bab 21	Bab 22	Bab 23	Bab 24	Bab 25	Bab 26	Bab 27	Bab 28	Bab 29	Bab 30	Bab 31	Bab 32	Bab 33	Bab 34	Bab 35	Bab 36	Bab 37	Bab 38	Bab 39	Bab 40	Bab 41	Bab 42	Bab 43	Bab 44	Bab 45	Bab 46	Bab 47	Bab 48	Bab 49	Bab 50	Bab 51	Bab 52	Bab 53	Bab 54	Bab 55	Bab 56	Bab 57	Bab 58	Bab 59	Bab 60	Bab 61	Bab 62	Bab 63	Bab 64	Bab 65	Bab 66	Bab 67	Bab 68	Bab 69	Bab 70	Bab 71	Bab 72	Bab 73	Bab 74	Bab 75	Bab 76	Bab 77	Bab 78	Bab 79	Bab 80	Bab 81	Bab 82	Bab 83	Bab 84	Bab 85	Bab 86	Bab 87	Bab 88	Bab 89	Bab 90	Bab 91	Bab 92	Bab 93	Bab 94	Bab 95	Bab 96	Bab 97	Bab 98	Bab 99	Bab 100
-------	-------	-------	-------	-------	-------	-------	-------	-------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	--------	---------

PRATHAMAS SARGAH
HARAN LAN WAWIDANGAN DESA

Pawos 1

- (1) Desa puniki mawasta Desa Adat Munti Gunung; salanturipun kinucap kalih kasuratang sajeroning lekita Desa Adat Munti Gunung.
- (2) Wawengkon prabumian Desa Adat Munti Gunung mawaneng nyatur desa manut sakadi kinucap ring sor puniki :
 - ha. Tepi siring Wetan utawi Kangin : Panepi kauh prabumian Desa Adat Pedahan;
 - na. Tepi siring Kidul utawi Kelod : Panepi kaja prabumian Desa Adat Kerebelahan;
 - ca. Tepi siring Kulon utawi Kauh : Panepi kangin prabumian Desa Adat Pradi;
 - ra. Tepi siring Lor utawi Kaler : Panepi Kelod prabumian Desa Adat Songan;
- (3) Sajeroning wawengkon Desa Adat Munti Gunung, kasungkemin antuk 6 (nem) Banjar Adat. 19 (siangolas) Dadia, luire : Dadia Beten bingin, Dadia belod dangin, Dadia bengklo, Dadia Sari Mukti, Dadia Buluh, Dadia Cenana 1, Dadia Cenana 2, Dadia Beten Aas Kangin, Dadia Beten Aas Kauh, Dadia Jero 1, Dadia Jero 2, Dadia Bebayu 1, Dadia Bebayu 2, Dadia Tegeh, Dadia Pengotokan, Dadia Tegenan (Manggih), Dadia Dusa, Dadia Miing, Dadia Pole. Saking 19 dadia kaingkupang dados 6 Banjar Adat.

DWITYAS SARGAH
PIKUKUH LAN PATITIS TATUJON

Pawos 2

Maka pikukuh Desa Adat Munti Gunung, ngarajegang, mikukuhin, kalih mitindihin pisan :

1. Pancasila;
2. Undang-Undang Dasar 1945;
3. Tri Hita Karana.
4. Peraturan Daerah Provinsi Bali Nomor 4 Tahun 2019 Tentang Desa Adat di Bali.

Pawos 3

Desa Adat Munti Gunung ngamanggehang patitis tatujon, luih ipun:

1. Ngutamayang tata-cara maagama Hindu;
2. Ngawangun katreptian sajeroning Desa Adat, mangda kasidhan rajeg katreptianing praja;
3. Ngawredhiyang kawicaksanaan minakadi kapradnyanan, maka larapan gumawe gemuh landuhing praja;
4. Ngarajegang kalih ngawredhiyang padrueaning desa, majalaran kawicaksanaan guna laksana manut dharma prawerti;
5. Ngarajegang dharma agama miwah dharma nagara.

**TRITIAS BARGAH
BUKERTHA TATA PARRAMAN**

Palet 1

Indik Krama

Pawon 4

- (1) Sane kasinanggih krama luire:
- ha. Sang wapasira uji jenek magenah ring *wawengkon Desa Adat Munti Gunung*, lintang ring tiging wasih utawi 105 (satua lima) dina; tahe; maagama Hindu;
 - na. Sang wapasira uji wed saking *Desa Adat Munti Gunung*, jenek magenah ring dura desa, luaring *Desa Adat Munti Gunung*, manggih, kaitan mipil ring Banjar Adat;
- (2) Papalihan krama, kadi kinucap ring *sar puniki*:
- ha. Krama Ngarep : Krama desa sane buluangkep, sane sampun mipil ring Banjar Adat sinalih tunggil sane wenten sajeroning *Desa Adat Munti Gunung* utawi mipil ring desa saha mayahan seurahi-aribi;
 - na. Krama Sasahu : krama sane nenten mipil miwah tan keni pangayah-ayah ring Banjar Adat sakewanten makarang pemahan ring *wawengkon desa*;
 - ca. Krama panyada : krama desa sane sampun tan keni ayahan desa, luire;
 - 1) Sangkaring mapinunan tur sampun kalugya antuk Prajurit Desa;
 - 2) Krama sane sampun makumpul;
 - 3) Krama sane okan nyane sampun telas alakirabi;
 - 4) Krama sane madue oka lotri-lotri petang diri kalugya nenten keni ayahan-ayahan desa, pradi prawida madue oka lanang malih, mawati keni ayahan-ayahan desa.
 - ra. Krama balu : krama desa lanang wiadin lotri sane katinggal seda antuk rabinda utawi sane palas marahan. Wenten balu ngalisting lan wenten balu masantana;
 - ka. Krama Tamu : inggih punika krama sane kinucap kadi ring *sar puniki*;
 - 1) Sang wapa sira uji wed saking dura desa luaring *Desa Adat Munti Gunung*, jenek magenah ring *wawengkon desa Adat Munti Gunung* tan ngawengku karang pemahan madununggan ring pemahaning desa, magenah ring pemahan duwen guru wisesa lintang ring tiging wasih utawi 105 (satua lima) dina;
 - 2) Sang wapa sira uji wed saking luaring *Desa Adat Munti Gunung* makakuhun ngenahan palemahan legal, palatan ring *wawengkon Desa* nangjing kari manggih makrama desa ring kamulan desania, kabukriyang antuk awalaputra semahan saking kiltang desania.
 - da. Krama sorpe inggih punika krama sane durung malulu atgep (alaki-rabi);
 - ta. Tamu inggih punika: Sang wapasira uji magenah ring *wawengkon desa*, lan sareng wapaikramaning Agama Hindu;
 - sa. Tamu Ngajag : sang wapa sira uji sawah sajeroning desa nangjing tan jenek magenah wika

Pawos 5

Ngawit tedun makrama desa:

- ha. Sang sapisira ugi sane wed desa, malarapan antuk, tateragan saha sampun ngamargiyang pawiwahan sanistanya sampun puput mabiakaon (makandal), tedun makrama desa.
- na. Sang sapisira ugi wed saking dura desa magenah ring wawengkon desa, sampun lintang tigang sasih utawi 105 (satus lima) dina, katerag antuk desa nemonin rahina Buda Wage ritatkala pasangkepan desa;
- ca. Sang sapisira ugi wed saking desa, matilar ka dura desa, wastu malih mawali ka desa;
 - 1) Yan sangkaning rahayu patilare nguni, wenang mawali mipil ring desa, nganutin kasukertan desa punika patut nyelosin madesa jeroning senger 35 (sasur) dina saking rauhing desa;
 - 2) Yan sangkaning tan rahayu patilare nguni, yogya Bandesa Adat sane ngatengahang babaose ka desa, mangda kabaosang antuk Prajuru Desa. Yan katinutin tatepasan punika, tur kacihnaang antuk maguru piduka ring Kahyangan Desa, kalugra mawali mipil maka krama desa.

Pawos 6

Wusan makrama desa, malarapan antuk :

- ha. Seda;
- na. Sangkaning mapinunas ngaraga, ri sampun polih palugrahan Prajuru Desa;
- ca. Tedah utawi tilar saking Agama Hindu;
- ra. kaheladang antuk desa, sangkaning mamurug Awig-Awig, pasuara, kalih pararem desa.

Pawos 7

(1) Swadharmaning krama desa :

- ha. Krama Ngarep, yogya keni payah-ayahan, tata turun cumek, nyanggra saraja karyan desa, manut ungguan soang-soang;
- na. Krama sasabu, yogya keni panaub utawi sasabu manut pararem;
- ca. Krama Tamiyu, yogya ngaturang panaub ka desa ngamasa, sanangken aci piodalan Ageng ring Kahyangan Desa, minakadi ritatkalaning mapawangun, ngayum wawangunan, panaub gung artha manut pararem;
- ra. Krama desa ring dura desa, yogya kakeninin urunan aci, prabea wangunan pura, lan ngayum pura.
- ka. Tamiu tan sareng saparikramaning agama Hindu, nanging tan wenang piwal ring Awig-Awig, Pasuaran Desa miwah Pamutus Pararem;
- da. Tamiu ngajag patut matur supeksa ring Prajuru Desa, yan tan asapunika, Prajuru Desa wenang nundung jatma kinucap mangda matilar saking desa;
- ta. Krama bekung keni ayahan-ayahan desa nyantos nyada. Krama bekung kasinaggeh nyada, sane sinarengan mapomahan sampun nyada.
- sa. Sajaba sane mungguh ring ajeng, krama desa samiyan yogya satinut ring daging Awig-Awig Desa.

- (2) Phala Pheksaning krama desa :
- ha. Krama desa samiyan yogya polih pasayuban wiadin pangoban saking desa, saluiring wiawaharanya yogya kabaosang antuk Prajuru Desa manut tata titining wiawahara;
 - na. Krama Desa sajabaning Tamiu lan krama sasabu samiyan wenang ngalaksanyang Panca Yadnya sajeroning desa, manut dresta.
 - ca. Mapuangkid, nyaluk utawi tan tedun maayahan, yogya saking panglokikan kalih Prajuru Desa.

Palet 2

Indik Tata Praja Desa

Pawos 8

- (1). Tata Praja Desa Adat Munti Gunung kaemong antuk Prajuru Desa lan Huluapad, minakadi :
- 1) Prajuru Adat mikadi:
 - ha. Bandesa Adat;
 - na. Pangliman Bandesa;
 - ca. Panyarikan Desa;
 - 2) Sabha Desa Adat
 - 3) Kertha Desa Adat
 - 4) Banjar Adat
- (2) Huluapad inggih punika krama ngarep sane kasudi olih penyarikan desa manut pangranjinge sane pinih rihinan dados krama ngarep. Huluapad inggih punika :
- ha. Jro Kebayan sibak Kangin lan Sibak Kauh.
 - na. Jro Uwu Sibak kangin lan Sibak Kauh.
 - ca. Jro Pundut Pajenengan Sibak kangin lan Sibak Kauh.
 - ra. Juru Tanding Sibak kangin lan Sibak Kauh.
 - ka. Juru tumbas Wedus Sibak kangin lan Sibak Kauh
 - da. Juru tumbas bawi Sibak kangin lan Sibak Kauh
 - ta. Juru tumbas bebek Sibak kangin lan Sibak Kauh
 - sa. Juru tumbas Ayam Sibak kangin lan Sibak Kauh
 - wa. Juru angkut Bhakti Sibak kangin lan Sibak Kauh
 - la. Juru Potong Sibak kangin lan Sibak Kauh

Pawos 9

- (1) Sane wenang kaadegang wiadin kamanggehang dados Prajuru Desa luire :
- ha. Krama Ngarep, jenek magenah ring Desa Adat Munti Gunung;
 - na. Tan cedangga, kabakta saking wau embas;
 - ca. Wikan mamaos kalih nyurat aksara Bali utawi Latin;
 - ra. Mabukti tan naen mamurug daging Awig-Awig.
- (2) Pidabdab ngadegang Prajuru Desa:
- ha. Paruman desa Adat nyodia krama ring Dadia Wed Desa Adat Munti Gunung. Pangawit Paruman Desa matujuang sang pacang kaadegang

- dados Bandesa adat, yan kantos lintangan ring adiri sane katuju antuk Paruman Dadia Wed, pacang kadegang pamargine manut pararem;
- na. Mungguing ngadegang Pamadhen Bandesa Adat, Pangliman, Panyarikan, Juru Raksa, Kelihang Banjar adat, Balian Desa, lan Serati banten saking panyudin Bandesa, sane kabriukin antuk paruman desa;
 - ca. Lamine madeg Prajuru Desa, wantah 5 (limang) warsa saking dina pangadegane, sajaba kapadgatakalan minakadi sangkaning wenten wyawahara;
 - ra. Yan sampun naen kaadegang pinaka Prajuru Desa, dados kasudi malih sajeroning Paruman Desa;
 - ka. Yan wenten sinalih tunggil piwal kalaning kasudi antuk paruman desa, sang piwal punika wenang katiwakin panglokika, yan tan manut paksania yogya kabaosang ring Paruman Desa, yan jati tuhu, paruman desa wenang nudi sane siosan;

Pawos 10

- (1) Sane wenang kaadegang wiadin kamanggehang dados Huluapad luire :
 - ha. Krama Ngarep, jenek magenah ring Desa Adat Munti Gunung;
 - na. Tan cedangga kabakta saking wau embas;
 - ca. Sane durung polih ngayah dados Prajuru Desa lan sekaa-sekaa siosan;
 - ka. Mabukti tan naen mamurug daging Awig-Awig.
- (2). Pidabdab ngadegang Huluapad:
 - ha. Uduhan : Krama sane sampun ngayah medesa kacirenin antuk ngawit nangsil ring pura Dalem lan sampun kapiuningang ring Jro Kebayan katuju ring Panyarikan Sibak kangin utawi Sibak Kauh manut krama sane pacang kanggen Saya Bunga.
 - na. Saya Bunga : Krama sane sampun naen dados uduhan munggah malih dados saya bunga;
 - ca. Saya Taun : Krama desa sane sampun naenin dados Saya Bunga wau dado nyaluk dados saya Taun
 - ra. Juru Potong : Kadegang dados Juru Potong ritatkala krama sane sampun munggah dados Huluapad wenten sane nyada lan sane dados Juru Potong munggah dados Juru angkut bhakti, katiwakang saking Penyarikan Sibak Kangin utawi Sibak Kauh;
 - ka. Juru Angkut bhakti : Kadegang dados Juru angkut bhakti ritatkala krama sane sampun munggah dados Huluapad wenten sane nyada lan sane dados Juru Potong munggah dados Juru Tumbas Ayam, katiwakang saking Penyarikan Sibak Kangin lan Sibak Kauh;
 - da. Juru Tumbas Ayam: Kadegang dados Juru Tumbas Ayam ritatkala krama sane sampun munggah dados Huluapad wenten sane nyada lan sane dados Juru angkut bhakti munggah dados Juru Tumbas Bebek, katiwakang saking Penyarikan Sibak Kangin lan Sibak Kauh;
 - ta. Juru Tumbas Bebek: Kadegang dados Juru Tumbas Bebek, ritatkala krama sane sampun munggah dados Huluapad wenten sane nyada lan sane dados Juru Tumbas Ayam munggah dados Juru Tumbas bawi, katiwakang saking Penyarikan Sibak Kangin lan Sibak Kauh;
 - ~~sa. Juru Tumbas Bawi: Kadegang dados Juru Tumbas Kambing ritatkala~~

- krama sane sampun munggah dados Huluapad wenten sane nyada lan sane dados Juru Tumbas Kambing munggah dados Juru Tumbas kambing, katiwakang saking Penyarikan Sibak Kangin lan Sibak Kauh;
- wa. Juru Tumbas Wedus: Kadegang dados Juru Tumbas Wedus ritatkala krama sane sampun munggah dados Huluapad wenten sane nyada lan sane dados Juru Tumbas kambing munggah dados Juru Tanding, katiwakang saking Penyarikan Sibak Kangin lan Sibak Kauh;
- la. Juru Tanding: Kadegang dados Juru Tanding ritatkala krama sane sampun munggah dados Huluapad wenten sane nyada lan sane dados juru Tumbas Wedus munggah dados Juru tanding, katiwakang saking Penyarikan Sibak Kangin lan Sibak Kauh;
- ma. Juru Pundut Pajenengan: Kadegang dados Juru Pundut Pajenengan ritatkala krama sane sampun munggah dados Huluapad wenten sane nyada lan sane dados Juru pundut Pajenengan munggah dados Juru Uwu, katiwakang saking Penyarikan Sibak Kangin lan Sibak Kauh;
- ga. Juru Uwu: Kadegang dados Juru Uwu ritatkala krama sane sampun munggah dados Huluapad wenten sane nyada lan sane dados Juru Uwu munggah dados Jro Kebayan, katiwakang saking Penyarikan Sibak Kangin lan Sibak Kauh;
- ba. Jro Kebayan: Kadegang dados Jro Kebayan ritatkala krama sane sampun munggah dados Kebayan nyada, katiwakang saking Penyarikan Sibak Kangin lan Sibak Kauh;

Pawos 11

Swadharmaning Prajuru Desa:

- ha. Midabdabin desa, krama desa, pacang ngupadi kajagadhitan sakala niskala, maka darsana Awig-Awig Desa, Paruman Desa, Pamutus Pararem Desa, nganutin uger-uger nagara minakadi kojaring sastra Agama Hindu;
- na. Ngarancana saluiring utsahan desa kaungkur, ngarancana saluiring sane nyandang pacang wangunang, sane patut ayum, manut lokika desa kala patra. Sane mabuat, mangda kasidhan polih palugrahan Sang Amawarat;
- ca. Mamaosin saluiring wiawahara utawi wicara, sane wetu sajeroning Desa Adat Munti Gunung, niwakang tatimbang utawi pamutus babaos sane yogya kaputusan sajeroning desa Adat. Yan tan kasidhan kabaosin ring desa, Prajuru Desa mituduhang mangda ngaturang ring Sang Amawarat;
- ra. Mratiaksa, nulingaang saparipolah Prajuru Desa. Luire, Klihang Banjar Adat, Klihang Subak Abian, Pamangku Tri kahyangan lan Kahyangan Desa, minakadi sane siosan sane wenten sajeroning wawengkon Desa Adat Munti Gunung;
- ka. Midabdabin saluiring pamargin aciaci ring wawidangan desa, taler nulingaang krama desa indike ngalaksanaang Panca Yadnya;
- da. Prajuru Desa wenang nyanggra saluiring pituduh, minakadi saraja karya saking Sang Amawarat, werat utawi ringan, sane yogya katiwak ring Desa Adat;
- ta. Nyanggra saraja karya ring pura Tri Kahyangan lan kahyangan desa sane kaempon antuk Desa Adat Munti Gunung;
- sa. Pinaka duta pacang matemuang babaos ring sang sapisira ugi, yan paindikan punika kapineh nyandang pacang marginin;
- wa. Wenang ngawangunang Polisin Desa, sane patut nulinga katreptian

sawawengkon Desa Adat Munti Gunung. Mungguing ngadegang, swadharma minakadi phalapeksa Polisin Desa mungguh sajeroning Pararem Desa;

- la. Wenang ngawangunang sekaa-sekaa siosan, sane pacang ngaremba swadharman Prajuru Desa sane kabuatang;

Pawos 12

Swadharmaning Huluapad Inggih Punika:

- ha. Jro Kebayan sibak Kangin lan Sibak Kauh, muput utawi ngantebang Pangaci-ngaci Piodalan utawi Usaba ring Pura Tri kahyangan desa lan Kahyangan desa, saha ngantebang upakara/yadnya krama sane ngemargiang Panca Yadnya;
- na. Ngupasaksi yadnyan krama, luire: Maserah, Balung Katupang lan mawinten.
- ca. Jro Uwu Sibak kangin lan Sibak Kauh, nguwu papeson kelapa, Canang Ajengan saking krama Desa lan nguwu kawasan kelapa;
- ra. Jro Pundut Pajenengan Sibak kangin lan Sibak Kauh mundut pajenengan ritatkala kajaba, melis lan nyineb;
- ka. Jro Tanding Sibak kangin lan Sibak Kauh, nyanding banten utawi pangaci-ngaci ring pura Tri Kahyangan Desa lan Kahyangan desa;
- da. Jro Tumbas Wedus Sibak kangin lan Sibak Kauh, numbas wedus pacang anggen upakara ring pura Tri Kahyangan Desa lan Kahyangan desa;
- ta. Jro Tumbas bawi Sibak kangin lan Sibak Kauh, numbas bawi sane pacang anggen upakara ring pura Tri Kahyangan Desa lan Kahyangan Desa;
- sa. Juru Tumbas bebek Sibak kangin lan Sibak Kauh, numbas bebek sane pacang anggen upakara ring pura Tri Kahyangan Desa lan Kahyangan Desa;
- wa. Jro Tumbas Ayam Sibak kangin lan Sibak Kauh numbas ayam sane pacang anggen upakara ring pura Tri Kahyangan Desa lan Kahyangan Desa;
- la. Jro Angkut Bhakti Sibak kangin lan Sibak Kauh, ngangkut bhakti saking bale paeabatan kegenah payadnyan lan ngangkut lungsuran makta kagenahe bale Paeabatan;
- ma. Jro Potong Sibak kangin lan Sibak Kauh, swadharman nyane wantah motong wewalungan ane sampun katumbas saking juru tumbas.

Pawos 13

Phalapeksaning Prajuru Desa lan Huluapad:

- ha. Luput wawijilan manut pararem ;
- na. Wenang polih tuas-tuasan;
- ca. Wenang polih pikolih saking gunakayan desa sane ngeranjing kadesa manut pararem;

- ra. Yan sajeroning kari madeg dados Prajuru Desa seda polih pangelad saking desa.
Yan sampun usan dados Prajuru Desa sangkaning rahayu taler polih pangelad;

Pawos 14

Kanca Enem Belas inggih punika Prajuru lan Huluapad sane kasudi ngupasaksi ngupa saksi ritatkala krama sane ngemargiang yadnya sane kabuatan kasaksinin saking Kanca Enem belas.

Kanca Enem Belas inggih punika:

- ha. Bendesa
- na. Patajuh;
- ca. Panyarikan Sibak Kangin;
- ra. Panyarikan Sibak Kauh;
- Ka Juru Raksa;
- da. Tukang Desa
- ta. Kebayan Sibak Kangin
- sa. Kebayan Sibak Kauh;
- wa. Balian Desa;
- la. Pamangku Ibun Desa;
- ma. Pamangku Puseh;
- ga. Pamangku Desa;
- ba. Pamangku Dalem;
- nga. Pamangku Bangun Sakti;
- pa. Pamangku Padukuhan;
- ja. Keliang Banjar;

Pawos 15

- (1) Sane dados kaadegang wiadin kamanggehang maka Kertha Desa Adat Munti Gunung; luire:
 - ha. Prajuru Desa Adat Munti Gunung, kamanggala antuk Bendesa;
 - na. Utusan saking soang-soang banjar adat sane wikan ring adat saha Awig-Awig Desa;
 - ca. Sapasira ugi krama desa ngarep sane kapineh patut manut pararem.
- (2) Kertha Desa kaadegang olih Prajuru Desa Adat, mawaneng 5 (limang) warsa, saha akehipun mangda gasal.
- (3) Swadharmaning Kertha Desa:
 - ha. Madue wawenang nerima, nureksa miwah maosin sahananing wicara sane metu ring desa adat;
 - na. Dasar muputang wicara malarapan antuk Awig-Awig mingsinggihang para sparo sarpana ya;
 - ca. Yan tan prasida puput wicarane, kertha desa patut ngaturang ring Majelis Desa Adat (MDA) manut papalihan.

Pawos 16

- (1) Sane dados kaadegang wiadin kamanggehang maka Sabha Desa Adat Munti Gunung, inggih punika utusan saking soang-soang banjar adat sane wikan ring adat saha Awig-Awig Desa, akeh ipun mangda gasal;
- (2) Sabha Desa kaadegang olih Prajuru Desa Adat, mawaneng 5 (limang) warsa;
- (3) Swadharmaning Sabha Desa, sane madue wawenang ngaturang dharma tatimbang ring Prajuru Desa Adat;
- (4) Phalapeksaning Sabha Desa lan Kertha Desa:
 - ha. Luput daging miwah saluiring paturunan wiadin wawijilan manut pararem;
 - na. Wenang polih tuas-tuasan;
 - ca. Wenang polih pioli-oli saking gunakayan desa manut pararem;
 - ra. Yan sajroning kari madeg, raris seda polih pangelad saking desa;
 - ka. Yan sampun puput pangadege, patut kawentenang upacara pangelad saking desa manut pararem.

Pawos 17

Prajuru Desa, Sabha Desa lan Kertha Desa kagentosin utawi usan, majalaran antuk :

1. Seda;
2. Mabukti sungkan rahat tan sida waras, malarapan antuk lekita saking sane ngawiwenang;
3. Mapinunas sangkaning rahayu, saha polih lugraha saking paruman desa;
4. Tutug sengker pangadege;
5. Malarapan antuk kausanang.

Pawos 18

Huluapad kagentosin utawi usan, majalaran antuk :

- ha. Seda;
- na. Mabukti sungkan rahat tur sue kantos lintang awarsa;
- ca. Sangkanaing nyada;
- ka. Sangkaning iwang, kausanang antuk paruman desa.

Palet 3

Indik Kulkul

Pawos 19

- (1) Sajeroning wawengkon Desa Adat Munti Gunung, wenten bacakan kulkul, kadi ring sor puniki :
 - ha. Kulkul Desa;
 - na. Kulkul Pura;
 - ca. Kulkul Banjar Adat;
 - ra. Kulkul sekaa-sekaa siosan.
- (2) Mungguing suaran kulkul punika mangda mabhina-bhinayan sawiji soang, manut sor singgih, yan wenten suaran kulkul pateh, karun wiadin sawer, patut kapastika salah sawiji, antuk sang madue;
- (3) Nepak kulkul manut Tri Brata Sandhi: dharma, sima, laksana, tegesipun :
 - ha. Dharma : suaran kulkul maka cihna tatenger upacara yadnya;

- na. Bima : suaran kulkul maka cihna wiadin tatenger Panca bhaya;
ca. Laknana : suaran kulkul maka cihna wiadin tatenger patedhunani.
- (4) Indik tatepakatan kulkul manut pasobhaya minakadi kuna dresta:
ha. Atulud : Patedunan;
na. Dwang tulud : Kaitalan;
ca. Tigang tulud : Kasedaan;
ra. Kulkul bulus : Panca bhaya
ka. Tigang kelentungan banban : Ngadegang Patedhunani.
- (5) Ungguan nepak kulkul :
ha. Yan nepak kulkul tatenger patedunan, ugi kulkul sane kadrue antuk sekaa, krama sane pacang tedhun katepak antuk sang patut ngulkulang;
na. Yan nepak kulkul tatenger Panca bhaya, wenang saungguan-ungguan, asing nampak genahe, wenang katepak antuk sang rihinan manggihin bhaya punika, minakadi saking pituduh sang ngawiwenangang;
ca. Yan nepak kulkul tatenger upacara Panca Yadnya, wenang kulkul sane wenten ring wang-wang genah upacarane. Yan nelang kulkul siosan patut wenten palugrahan sang ngawiwenangang;
ra. Yan kalaning ngalungayang Bhatara, mendak Bhatara, Bhatara turun kabeh, kalaning pacaruwan desa luire manca-satha, manca sanak, tabuh gentuh ring Desa Adat Munti Gunung, sami kulkule dados suaraang, tatepakatan manut dresta;
ka. Yan wenten mamurug nepak kulkul tan manut, yoga kabaosin antuk Prajuru Desa, katiwakan panglokika saha pamidandha manut pararem.

Palet 4

Indik Sangkepan lan Paruman

Pawos 20

Mungging sangkepan miwah paruman ring sajeroning wawengkon Desa Adat Munti Gunung, kadi ring sor puniki :

- ha. Sangkepan Prajuru Desa magenah ring Bale Paruman Desa (Bale Dawa) wiadin genah siosan, sanunggil dina Buda wage, yan tan kasidhan rahina punika, wenang karangkadang apanutan, tegesipun malih 5 (limang) rahina saking dina penangkepene, manut sakabuatan taler dados kawentenang padgatakala;
- na. Sane patut nedunin sangkepan punika, prajuru lan hulupad, minakadi sang wapaosira ugi sane kabuatang antuk Prajuru Desa;
- ca. Maka manggalaning mababacwan sajeroning pasangkepan, paruman, manggeh Bandesa Adat wiadin silih sinunggil Prajuru Desa saking palugrahan Bandesa;
- ra. Banjar Adat, sekaa-sekaa siosan tan kalugra ngawentenang sangkepan kalaning dina penangkepan Prajuru Desa lan Paruman Desa, yan prade wenten mamurug, yoga sangkepan sekaa inucap kawangdeang;
- ka. Paruman Desa Adat Munti Gunung:
- 1) Sane yoga tedun sareng sajeroning paruman Desa, inggih punika sang wapaosira kapatut miwah kabuatang, manut pangundang wiadin panuur Prajuru Desa;
 - 2) Paruman punika kawentenang pinih sor kalih temuang sane awarsa, taler kawentenang padgatakala nganutang desa kala patra, mawit saking

pamutus babaos sangkepan desa;

- da. Sangkepan Banjar Adat:
- 1) Sangkepan banjar adat, ugi ngasasih teges ipun 35 (sasur) dina, dinan ipun manut Awig banjar Adat;
 - 2) Klihang banjar Adat pinaka manggala ring sangkepan banjar Adat;
 - 3) Saya, manut pagilih hurak.
- ta. Sangkepan sekaa-sekaa, dadia, sane wenten sajeroning desa, manut Awig-Awig sekaa kalih dadia soang-soang.

Pawos 21

Tata kramaning pasangkepan wiadin paruman :

- ha. Prajuru patut makta pasayaan, tegep eteh-ete pasayaan, manut pagilih hurak, saluir ipun, haturan canang pangrawos, canang panyacak, saha pasegeh;
- na. Ritatkala paruman padgatakala, yan kapatut pacang nganggen babanten sakabuatan, Prajuru Desa, Bandesa Adat, yogya mituduhang mangda cumawis, saha nyukseraang padagingan;
- ca. Penarikan wenang nepak kulkul ping tiga:
- 1) Kapertama : sadurung ngawit upacara utawi maturan, pinaka pakeling mangda gelis carem, sasampun carem, ngeraris haturan punika kaantebang, mabriuk muspa sareng sami kantos puput;
 - 2) Kaping kalih : suaran kulkul maka cihna sangkepane kakawitin;
 - 3) Kaping tiga : suaran kulkul maka cihna sangkepane sampun puput.
- ra. Babaosan sajeroning sangkepan wiadin paruman, kamuruban Sang Hyang Widhi, majalaran bhawa laksana manut dresta;
- ka. Yan wenten sinalih tunggil ngatengahang babaos sajeroning sangkepan, yogya kadamyakang, yan nyandang baosin, yogya rinaosan, yan tan nyandang baosin, hantukang ring sang ngamimitin;
- da. Sane kinucap pamutus babaos, wiadin pasuara sajeroning sangkepan wiadin paruman malarapan antuk briuk sapanggul anut sang nyangkepin, yan tan sapunika, asing akehan wenang turut manut lokika, pamutus babaos yogya kalekitaang, kalaksanaang manut hanggeran;
- ta. Prade tan puput babaose sajeroning sangkepan kantos ping tiga, patut katengahang sajeroning paruman, pamutus babaos sajeroning paruman pinaka pamuput;
- sa. Sangkepan punika kabaos puput, yan sampun nimbang pagilih Bandesa Adat/utawi panyelidi, saha sampun mabacak.

Palet 5

Indik Padruean Desa Adat Munti Gunung

Pawos 22

- 1) Sane kadruc antuk Desa Adat Munti Gunung, luire :
 - ha. Pura kahyangan Tiga;
 - na. Pura Kahyangan Desa;
 - 1) Pura Ibum Desa;
 - 2) Pura Padukuhan;

- 3) Pura Bangun Sakti.
 - 4) Pura Kemulan Desa;
 - 5) Pura Batu Glogor;
 - 6) Pura Ibu Lebah;
 - ca. Palemahan sane kaanggen karang pomahan miwah telajakan karang kawit saking padrucean desa;
 - ra. Palemahan sane kaanggen margi, rurung, tukad sajeroning desa;
 - ka. Bale Banjar;
 - da. Tanah palabha Pura Tri Kahyangan lan Pura Kahyangan Desa, kalih tanah ayahan desa manut lekita;
 - ta. Sakancan kalebutan toya, toya anakan, tihisn, sane dados kaanggen pasuciyen Bhatara, sane dados kaanggen beji, miwah kasalud antuk krama desa, sane dados tantan ka desa;
 - sa. Pralingga Bhatara;
 - ma. LPD lan CBD;
 - ga. Lelanguan minakadi : Gong
- 2) Pioli-oli desa luire:
- ha. Pamupon Pelaba Pura;
 - na. Urunan, Panaub, Pakenen-kenen pakaryan krama desa;
 - ca. Dana punia;
 - ra. Simpan pinjam LPD miwah CBD;
 - ka. Usaha desa, gunakaya krama desa.

Palet 6

Indik Laluputan

Pawos 23

- (1) Sane kabaos luput inggih punika tan keni papeson;
- (2) Sane polih laluputan, luire :
 - ha. Prajuru Desa;
 - na. Pamangku Tri kahyangan lan Pemangku Kahyangan Desa;
 - ca. Sang sapisira ugi sane kapineh antuk desa patut nyandang polih laluputan, manut pararem.

Palet 7

Indik Dadosan Patedhun

Pawos 24

Dadosan saluiring Palet, sangkepan, tedun makarya miwah sane siosan, nganutang sukerta soang-soang luire :

- 1) Yan Prajuru Desa madue patedhunane, yogya nganggen sukertan desa, sane kagaduh antuk Prajuru Desa, dadosan ngaranjing ka desa;
- 2) Yan babanjaran madue patedhunane, yogya ngangge uger sukertan Banjar Adat soang-soang sane sampun kagaduh antuk banjar punika. Dadosan ngaranjing ka Banjar Adat;

- 3) Yan sekaa sekaa siosan, madue patedhunane, yogya nganggen uger sekaa soang soang, dadosan ngaranjing ka sekaa;
- 4) Yan wenten krama sinalih tunggil tan tinut ring tatepasan miwah dadosan punika, yogya katengahang babaose ka desa, Prajuru Desa wenang mamaosin saha niwakang pamutus.

Palet 8

Indik Rarampagan lan Kekeran Desa

Pawos 25

- (1) Desa wenang ngarampag ritatkala pacang :
 - ha. Mapawangun;
 - na. Pujawali.
- (2) Mungguing indik rarampagan kamargiang manut pararem;
- (3) Yan druen Ida Sulinggih lan Sang Amawarat, patut katunas;
- (4) Tan kalugra nekteb, ngarebah, wit-witan saluir ipun, ring palasan, pategalan, habing, tangkid, alas miwah genah siosan sane kakeker antuk desa, yan wenten mamurug, kapidandha manut pararem;
- (5) Saluiring wit-witan sane sampun kasawenin antuk desa pacang mangge mapawangun ring desa, pradene punika karebah antuk sang madue, yogya kapidandha manut pararem;
- (6) Yan kalaning ngarampag, sang ngarampag ugi masadok saha sadu ajeng ring sang madue utawi panyakap;

Palet 9

Indik Bhaya

Pawos 26

- (1) Sane kinucap Panca bhaya, luih ipun:
 - ha. Jiwa bhaya;
 - na. Aghni bhaya;
 - ca. Toya bhaya;
 - ra. Artha bhaya, lan
 - ka. Bayu bhaya.
- (2) Saluiring bhaya wenang geherang antuk suaran kulkul;
- (3) Sang sapisira ugi krama desa sane manggihin, wiadin uning ring panangkaning bhaya, wenang ngeherang nepak kulkul bulus raris danyakang ring krama desa;
- (4) Rikala wenten suaran kulkul bulus tatenger bhaya, krama desa patut yatna, sayaga, saha sregep ngamong prabot wiadin gagaman soang-soang;
- (5) Yan sampun tatas ring bhaya punika, krama desa patut matatulung nambakin bhaya punika, manut ungguan, kalih manut patuduh sang yogya ngawiwenangang;
- (6) Sang sapisira ugi tan kawasa majajabur utawi majajarah rikalaning desa, krama desa katiben bhaya, yan wenten mamurug, yogya katengahang ka desa, wiadin katur ring Sang Amawarat;
- (7) Yan pinganan bhaya punika sampun kapineh nahnah, tan pacang nyangkalen wenang kacihnaang antuk suaran kulkul lambat atuludan, wiadin pasiar saking sang ngawiwenangang.

- (7) Yan pinganau bhaya punika sampun kapureb mahmah, tan pacang nyarengin wentang kacibanaang antuk suaran kuikui lambat atitudun, waadit pasan sasang sang ngawiwenangang.

Palet 10

Indik Panyanggruan Banjar lan Krama Desa

Pawes 27

- (1) Saluiring karya sane patut kasanggra antuk desa, kapawicikang ring paraturan desa;
- (2) Saraja karya desa kasanggra antuk krama desa kalumadikang antuk Perjuru Desa;

ha. Kitakala ngayun utawi mecikan Parhyangan sedurung ngawit makarya kawentenuang upacara nyatik. Nyatik inggih punika nyawenin lara sane pacang kanggen mecikang parhyangan. Ngawit mahumane nyatik ngarita puput pula-pali parhyangan sane kabecikan lan upacara nyate tan kalugra : ngemargiang upacara yadnya ring Tri Kahyangan Desa lan Kahyangan Desa wiadin nangun yadnya sane kapawicik antuk krama enem belas.

na. Kitakala Desa ngemargiang Upacara Nyatik, Ring Pura dadia, pamban, Pura sekaa, kemulan, ten dados nyarengin upacara nyatik, taler ten dados ngemargian aci nyarengin aci ring pura Tri Kahyangan lan Kahyangan Desa sajabaning Dadia Pened Desa Adat Munti Gunung.

CATEURTAS SARGAE

SUKERTEA TATA PALEMASAN

Palet 1

Indik Tegul lan Karang

Pawes 28

- (1) Palemahan Desa, mauger antuk Tri Mandhala, liure :
 - ha. Uthama-mandhala : palemahan sane kaanggen karang pura, waadit parhyangan;
 - na. Madya mandhala : palemahan sane kaanggen karang pematihan, gemah wawangunan, sakadi : banjar, sekolah, kantor, miwah sane siosan;
 - ca. Nista mandhala : palemahan sane kaanggen sora, margi, rurang, papunduk, telajakat karang, gemah ngingsamang wahana miwah sane siosan sane magamah ring sawawengkon desa;
- (2) Sahanan palemahan sane wenten ring wawengkon desa, yoga mangla mahe babaledan wiadin wates sane pusi;
- (3) Sahanan palemahan punika, ugi mangla mahe margi, rurang, papunduk sane dados kaentasin;
- (4) sang sapasira ugi pacang mapawangun pakarangat, pematihan, pura miwah sane siosan, patut ngucsaana mangla mahe margi;
- (5) Yan wenten pakarangat pura, pematihan, tegul, miwah palemahan siosan kabebeng tan mahe margi, rurang, miwah papunduk, sang mahe patut

- (6) Yan desa pacang ngalinggahang margi, rurung, minakadi makarva margi, rurung desa, saking sampun ingkup pasuaran desa kalih sang madue tanabe, yan nganggen tegal, miwah palemahan siosan, wenang ngamargiang sasempalan antuk desa tan naur pangangan tanah punika. Nanging yan madaging tatanduran, papayon, wawangunan saluire, desa patut ngicen prabea agung abit manut pararem;
- (7) Sahananing karang pomahan ugi mangda masengker. Pidabdab nyengker, magaleng kadulu. Panyengker sane sisi kangin miwah kaler, patut kakaryanin antuk sang ngenahin karang punika, sajaba karang ngele wiadin lingkehin rurung, palemahan suung;
- (8) Sang sapasira ugi ngenahin karang tegahan, patut naku, tegehe asukat natah dangsah, sane tebenan, wenang nyusunin tembok;
- (9) Telajakan karang patut kapiara antuk sang ngenahin karang punika soang-soang, mangda mapikenoh tur hasri;
- (10) Yan wenten sinalih tunggil nyadia naleksek wiadin ngaleklek babaledan saluiring babaledan wiadin wawatesan, luire: babaledan wiadin wates pura, karang pomahan, tegal, setra, jalingjing, margi, rurung, papunduk, miwah sane siosan, yogya kapidandha manut pararem;
- (11) Yan wenten sinalih tunggil ngaletihin, ngarucakin, ngarobedin, ngararabin, palemahan liwaring pomahan padrucean nane, luire : ngutang luu, bangkaan, miwah saluiripun, nyorongang babanyon, sajaba toyan sabeh, yogya kapidandha manut pararem;
- (12) Yan wenten anak tan maagama Hindu ngenahin palemahan sajeroning Desa patut nganutin Awig-Awig miwah pararem desa;
- (13) Sang sapasira ugi sane pacang ngadol, ngantahang, maselangang, majegang, masewayang, makedihang palemahan tegal, palasan miwah sane siosan sane magenah sajeroning wawidangan desa, ugi mangda polih palugrahan saking Prajuru Desa malarapan paruman desa, yen tan polih palugrahan yogya indike punika kawangdeang;
- (14) Sang sapasira ugi pacang migunaang palemahan tegal, pekarangan, sejaba pacang genah matetanduran, genah pomahan, yogya sangkaning palugrahan Prajuru Desa, siosan ring palugrahan guru wisesa. Yan wenten mamurug sasampun polih kasambatsara antuk desa, sang mamurug kapidandha manut pararem;
- (15) Yan wenten tan maagama Hindu minabdabin palemahan tegal Desa, wenang utawi patut nganutin Awig-Awig miwah pararem;

Palet 2

Indik Kakayonan

Pawos 29

- (1) Tan kalugra nebtob, ngrebah, wit-witan saluiripun, ring palasan, pategalan, abing, tangkid, miwah genahe siosan, sane kadrue antuk krama siosan. Yan wenten mamurug, kapidandha manut pararem;
- (2) Yan wenten wit-witan wiadin kakayonan ngungkulin palemahan anak siosan, sane ngawinang tiyeb, tampias, ngarobedin, asing kungkulan wenang ngatengahang ka desa, Prajuru Desa maritetes saha mituduhang sang madrue mangda ngrancap, nebtob, wiadin ngrebah. Yan kantos ping tiga pituduh desane

tan kalingu, wenang kapidandha manut pararem;

Awig-Awig @Desa Adat Munti Gunung, Kuba, Karangasem – Bali

Awig-Awig @Desa Adat Munti Gunung, Kuba, Karangasem – Bali

- (3) Tanem tuwuh utawi tatanduran siosan sajeroning karang pomahan muang Pura Kahyangan, tan kalugra ngalintangin wawangunan. Yan mamurug, wenten raris ngatengahang ka desa, yogya taru punika karebah sajeroning tigang rahina saking pamuput babaose;
- (4) Kakayonan sajeroning karang pomahan ugi mapiara mangda tan ngaletchin, ngarobedin, mamayen karang siosan, saking akah kantos daun ipun. Yan wenten mamurug, tan tulinga ring kakayonan due wenten ngatengahang ka desa, Prajuru Desa yogya maritetes, saha nepasin manut panglokika kalih pararem;
- (5) Yan wenten wit taru mentik kantos ageng ring babaledan, wates, saluiring babaledan mwang wates, wenten ngatengahang ka desa, patut taru punika karebah, raris pinara tiga, apahtigaan mantuk ka desa, sang madue babaledan apahtigaan soang-soang;
- (6) Yan wenten sinalih tunggal nundungin tanem tuwuh, kakayonan, sane kasuatah pacang mamayen, wenang kabaosang ring sang madue. Yan akas sang madue, yogya katengahang ka desa. Prajuru Desa negdeg, pamutuse manut pararem;
- (7) Yen wenten sinalih tunggal nyadia nandur saluiring tanem tuwuh wiadin kakayonan sane pacang dados ageng, neseke ring babaledan, ring wates, papunduk, ugi mangda masupeksa ring Prajuru Desa, kalih ring panyanding soang-soang, yan tan kalugra tan kapisukaang, pradene taler kapurug, yogya sang mamurug kapidandha manut pararem;
- (8) Sangsapasira ugi nyakap tegal, nandur tatanduran tanem tuwuh sane ngawinang tanahe andog ring tegal sasakapan, ugi mangda makarya pasobhayan ring sang madue tegal inucap. Yan durung pinganan mapikolih tatanduran punika, sadurung mapikolih sasor ipun limang pelabuh, sajaba sangkaning kahiwangan panyakap raris kajabutun, yogya sang madue tegal nawur panjala sawit-wit, manut pararem;
- (9) Sang sapasira ugi nyakap tegal, tan kawasa ngarebah tatanduran sane dados angsen lakar wawangunan, yan tan polih lugra saking sang madue tegal;
- (10) Yan wenten wit-witan rebah antuk ka panca bhaya tan dados kajarahan antuk sang sapasira ugi, yan wenten mamurug keni pamidandha manut pararem;
- (11) Yan wenten wit-witan kateteb miwah karebah, raris niben wawangunan utawi tatanduran anak sios, prade katengahang ka desa wenang prajuru mamaosin tur niwakang pamutus manut pararem;
- (12) Tan dados marereh-rerehan saluire ring palemahan utawi sasakapan tan drue, yan tan kapisukaang, yan wenten mamurug, wenten raris ngatengahang ka desa, keni pamidandha manut pararem.

Palet 3

Indik Wawangunan

Pawos 30

- (1) Sang sapasira ugi krama desa, yan pacang ngawangun panyengker karang pomahan, patut masupeksa ring Panyandinge. Yan tan radin yogya nunas degdegan ring Prajuru Desa. Prajuru Desa negdeg sadu ajeng ring sang mawicara tur ngarerehang pamargi manut pararem;
- (2) Wawangunan ring palemahan tegal, palemahan suung, sane sampun masanggah pawon tur sampun katiwakan pangupakaran karang kabaos karang pomahan. Patut madue rurung betel ka margi agung, sukat margi manut pararem;
- (3) Yan tan masanggah panguluning karang, kabaos akakubon. Tan yogya genah

- angraksa sawa. Yan wenten mamurug, yogya katiwakan pamidandha mangoa mrayascita palemahan punika.
- (4) Sang sapisira ugi pacang ngawangunang wawangunan genah ngalaksanaang upacara Agama luire : Pura, Masjid, Gereja, Wihara, miwah sane siosan, ugi mangda wenten lekita palugrahan Prajuru Desa, kalih lekita palugrahan amawarat. Yan wenten mamurug, kabaos tan sidha karya, tan wenang anggen, tur wawangunan punika yogya kawangdeang;
 - (5) Wawangunan sajeroning karang pomahan, ugi nganutin Tri Mandhala;
 - (6) Tan wenang ngungkulang capcapan wawangunan sajeroning karang pomahan siosan. Yan wenten mamurug, wenten ngatengahang ka desa, yogya Prajuru Desa negdeg, saha nyipat gantungin. Yan jati lintang sajeroning asasih saking puput babaose mangda sampun kapastika;
 - (7) Tan wenang nganggen tembok umah wiadin tembok panyenger tan drue. Wenang ye kasambatsara antuk sang madue. Yan akas tur mamurug sang kasambatsara, yogya katengahang ka desa, kabaosan antuk Prajuru Desa tur niwakang pamutus manut pararem;
 - (8) Sang sapisira ugi pacang mapawangun nepi ring margi agung, nepi ring rurung desa, yogya mangda wenten lekita palugrahan saking Prajuru Desa, wiadin lekita palugrahan Sang Amawarat. Yan tan polih lekita palugrahan, padgatakala wawangunan punika dados katundungan tan ngetang prabea;
 - (9) Sang sapisira ugi ngawengku karang pomahan, yogya hurati miara kahasrian lebu pakaranganya, rurung pentasan pinih sor asukat karangnya ngalajur;
 - (10) Sang sapisira ugi pacang ngawangun hotel miwah sapanunggilan ipun ring wawidangan desa, patut mawaneng manut pararem, saha ugi mangda wenten lekita pasubaya kalih palugrahan saking Prajuru Desa miwah Sang Amawarat.

Palet 4
Indik Wawalungan
Pawos 31

- (1) Sane kinucap wawalungan, inggih punika sakancan buron sane kapiara;
- (2) Sang sapisira ugi krama desa sane miara wawalungan tan wenang ngalumar;
- (3) Tan wenang ngangonang, negulang wawalungan, ring palemahan tan drue, yan tan kapisukaang, sang madue palemahan. Yan akas sang kasambatsara, wawalungan ika wenang taban, Prajuru Desa yogya niwakang pamidandha manut pararem;
- (4) Yan wenten miara wawalungan sajeroning karang pomahan, ugi mrtiaksaang kandang ipun, mangda tan ngawetuwang bhaya. Yan wenten mamurug, wenang panyandinge nyambatsara. Yan akas sang kasambatsara, wenang katengahang ka desa, Prajuru Desa nepasin tur wenang kapidandha, manut pararem;
- (5) Sang sapisira ugi, ngawangunang kandang wawalungan, buat adol atuku, kandang ayam, itik, miwah sapanunggilan ipun, mangda malekita palugrahan saking Prajuru Desa lan Sang Amawarat;
- (6) Yan wenten wawalungan ngeleb, mamegat ngaranjingin palemahan pura, kahyangan, setra, karang pomahan, miwah sane siosan, yan tan nyadia kalebang tan yogya taban, wenang salabarang ring sang madue, yan nyadia kalebang, wenang taban, tur katengahang ka desa pamutuse manut pararem;
- (7) Sang sapisira ugi tan kalugra nyorongang babanyon laletih kandang wawalungan ka tlabah, jalingjing, sane wenten sajeroning Desa yan mamurug

- 1. ...
- 2. ...
- 3. ...
- 4. ...
- 5. ...
- 6. ...
- 7. ...
- 8. ...
- 9. ...
- 10. ...

PANGKALAN
SURABAYA

No. 1

Tulis: ...

No. 2

Tulis: ...

No. 3

- 1. ...
- 2. ...
- 3. ...
- 4. ...
- 5. ...
- 6. ...
- 7. ...
- 8. ...
- 9. ...
- 10. ...

No. 4

Tulis: ...

No. 5

- 1. ...
- 2. ...
- 3. ...
- 4. ...
- 5. ...
- 6. ...
- 7. ...
- 8. ...
- 9. ...
- 10. ...

- (4) Ritakala kabrebehan jagate utawi, kagringan, katiben panca bhaya, pinganan pamangku, ngaturang piuning ring bhatara, manut dresta;
- (5) Indik pangaci-aci Pura Pamrajan, Pahibon, Dadia, punika kaamongin antuk krama sane nungsi, manut dresta;
- (6) Usabha ring Tri Kahyangan Lan Kahyangan Desa manut dudonan, luire :
- ha. Upacara Pebalik Sumpah di Pura Desa kala dina Tilem jiesta;
 - na. Pura Ibum Desa, kala dina purnama Sada;
 - ca. Pura Bangun Sakti Kala Dina Purnamane Kasa;
 - ra. Pura Ibum Dalem Kala Dina Purnamane Karo;
 - ka. Pura Desa Upacara Tegen-Tegenan kemargiang rikala tiga utawi limang rahina sausan usabaha ring pura Dalem;
 - da. Pura Batu Glogor kamargiang rikala purnamane Katiga;
 - ta. Pura Puseh kala kamargiang rikala purnamane Kapat, ritakala punika taler kaingkup langsung ring pura Padukuhan;
 - sa. Pura Desa Ngusaba Dangsil rikala purnama kalima;
 - wa. Pura Kemulan Desa Anggara kasih Juluwangi;
 - la. Pura Ibu Lebah Anggara kasih Medangsia.

Pawos 34

- (10) Padagingan pangaci-aci, luire :
- ha. Piturunan lan wawijilan krama desa;
 - na. Pioli-oli pagunakayan krama desa;
 - ca. Haturan-haturan sangkaning krama suka nirmala;
 - ra. Pioli-oli tanah ayahan desa lan tanah-tanah palaba pura druen Desa;

Kaping 3

Indik Pamangku

Pawos 35

- (1) Soang-soang Pura Kahyangan ugi madue pamangku;
- (2) Sane tan wenang kaadegang dados pamangku luire :
- ha. Cedangga saking wau hembas;
 - na. Mabukti sungkan rahat;
 - ca. Mabukti naen malaksana corah lan mamurug Awig-Awig.
- (3) Pidabdab ngadegang pamangku luire :
- ha. Ngambil saking saserod santana utawi katurunan;
 - na. Saking pamuus sasemburan, wiadin nyanjan kantos pang tiga; utawi
 - ca. Sangkaning kajujuh saha kabriukin antuk krama desa manut pararem.
- (4) Sang sapisira ugi pinaka pamangku jan banggul ring Pura Tri Kahyangan Desa, Pura Kahyangan Desa miwah pura siosan sane wenten ring sajeroning desa, mangda pageh ngamel kalih ngalaksanaang sasan Pamangku manut dresta;
- (5) Sang sapisira ugi krama desa, kaadegang dados pamangku, yan kari alaki rabi yogya lanang istri mawinten;
- (6) Sang kasudi pacang kanggen Pamangku, patut mawinten ring Pura genahe

- dados pamangku. Mungguing prabea kasandhangin antuk krama pura soang-soang, pamangku Tri Kahyangan desa kalih pamangku kahyangan Desa Kasandhangin antuk krama desa.
- (8) Pamangku patut madue amongan pura soang-soang.
- (9) Yan Pamangku katekan pati, yogya tiniwaken, patut polih patuhung prabea atiwa-tiwa. Yan pamangku Tri kahyangan desa kalih pamangku kahyangan polih patuhung saking desa. Yan pamangku siosan, polih patuhung saking krama pura soang-soang. Agung alit patulunge nganutin pararem.
- (10) Yan pamangku Tri Kahyangan Desa utawi pamangku kahyangan Desa kantun rajeg ngamong swadharmaning pamangku taris hantaka, patut polih pangelad utawi pasengaukan, wiadin papegatan saking desa.
- (11) Patyasan Pamangku, mungguh manut gagaduhan pura soang-soang utawi pararem desa;
- (12) Pamangku kagentosin majalaran antuk :
- ha. Seda;
 - na. Mapinunas mararyan lan sangkaning kausanang, kawekas kalaning seda tan polih patuhung prabea atiwa-tiwa;
 - ca. Saking patut pinunase, majalaran antuk lingsir, sampun tan mampuh, sungkan rahat tan kengin waras, kajadaang antuk krama pura, wiadin desa, kawekas kalaning seda patut polih patuhung prabea patiwa-tiwaan;

Kaping 4

Indik Sukerta Pura Kahyangan

Pawos 36

- (1) Rikalaning ngaturang pangaci-aci hamung pamangku ring kahyangan punika sane dados mungguh tedun ring pura kahyangan inucap, utawi sang sampun polih kalugraha saking pamangku pura inucap utawi saking Prajuru Desa. Yan mamurug kapidandha mrayascita manut pararem;
- (2) Tan kalugra masumpah, macoran sajeroning pura kahyangan sinalih tunggal, sajaba sangkaning wicaran pura hinucap, taler saking pabuat krama pura utawi krama desa sane ngempon pura kahyangan punika;
- (3) Tan kalugra wak capala (mamisuh) miwah sapanunggilan ipun, hasta capala (nyagur), pada capala (mendang, nelejek), miwah sapanunggilan ipun, sajeroning pura kahyangan. Yan machina wenten mamurug, wenten taris ngatengahang ka desa yogya tiniwakan dandha pamarisudhan kahyangan;
- (4) Tan kalugra malaksana kantos ngawetuwang biyota ring pura kahyangan. Sang malaksana kapineh sampun napak wirang, yan mamurug, yogya tiniwakan dandha manut pararem;
- (5) Prade Wenten Sedahan ngengengan utawi krama sane mamuwus/nyujan wenang keselehin dumun kewiaktian ipun, patut tepasin manut pararem;
- (6) Tan kalugra ngawentenang kaklecan, jajuden, sajeroning suter utawi panyengker Pura Kahyangan (Utama mandala, Madhya mandalaning Pura Kahyangan). Yan mamurug sang ngalaksanaang kem pamadandha manut pararem tur katur ring Sang Amawarat;
- (7) Tan kalugra makta saluiring sane kasinanggih tan suci ka sajeroning suter

- utawi panyengker Pura Kahyangan. Yan mamurug, yogya marisuda pura punika manut pararem;
- (10) Pura kahyangan tan wenang kaanggen sajaba ngalaksanaang upacara agama Hindu. Yan mamurug, upacara punika kawangdeang, tur kapidandha manut pararem;
- (11) Sang sapisira ugi, kapangluh sajeroning pura kahyangan, ring gelis tunasang tirta laluputan mangda gelis hudep, yan tan hudep patut pintonin, ambilang toya apane, celebang limannane makakalih. Yan mabukti tan belus, nyandang gega pangandikan Bhatara. Yan pade belus, tan nyandang gega, gelisang gingsirang genahang mangda doh saking pura hinucap, yan ten prsida putus indike punika bakta kawicaraang ring sangkepan, pamutus manut parerem.

Kaping 5

Indik Cuntaka, miwah Sosot

Pawos 37

- (1) Sane kinucap cuntaka luire :
 - ha. Anak istri kalaning ngraja, suen cuntakane saking ngawit ngraja, kantos macihna sampun malukat;
 - na. Sang nganten lanang istri, suene cuntaka, ngawit saking rahina pangantenane, wiadin rahina marangkate, sajeroning tigang dina, kantos puput mabiakawon, saha masamayut prayascita, malukat matirtha;
 - ca. Rama rena cuntaka sangkaning ngembasang oka. Sane lanang cuntaka, suene saking mbas anake alit kantos kepus hodel, raris malukat. Sane istri pinaka rena, cuntaka petang dasa kalih dina saking wawu embas rarene;
 - ra. Yan anak istri cuntaka sangkaning karuron, pateh ring cuntaka ngembasang oka, lanange cuntaka tigang rahina saha sampun malukat.
- (2) Cuntaka malarapan antuk kasedaan, kapatian :
 - ha. Yan wenten anak alit durung kepus hodel raris seda, rama rarene cuntaka, sane lanang istri 42 dina;
 - na. Yan sang ngarepin, minakadi sang magenah sajeroning karang pomahan sang seda, mawasta cuntaka karang suene cuntaka, saking wawu seda kantos puput panglemek karyane, punapike mapendem, lwih yan atiwa-tiwa. Macihna punah cuntakane antuk marerebu, malukat;
 - ca. Yan Sang polih ninjo, ngarap sawa, ngamel saha ngarembat sahete-hete pula palining sawa, cuntaka adina, punah cuntakane macihna antuk malukat;
 - ra. Yan tunggal sidhikara pateh cuntakane kadi sang ngarepin sawa ika manut dresta;
 - ka. Yan Sang manjing mijil ring umah sang ngaraksa sawa, wiadin layon sangkaning aninjo, tan kahanan cuntaka waluya mapas sang makta sawa ring margi agung;
 - da. Yan sang polih nembah sawa, mangan paridan sawa, punika taler kabaos cuntaka, suene cuntaka kantos sampun usan malukat.
- (3) Sang sapisira ugi kacuntakan, saluiring cuntaka, yan durung mabersih, tan kalugra ngaranjing ka pura kahyangan. Yan katenger wenten mamurug, yogya tiniwakan dandha marisudha kahyangan punika;

- (4) Cuntaka sangkaning malaksana mamitra ngalang. Suene cuntaka manut pararem;
- (5) Anak wetu sangkaning smara dudu utawi tan pawidhi widhana pawiwahan, babinjat punika taler cuntaka. Suene cuntaka, salamine durung wenten meras, wiadin nuduk ngangkenin pyanak, wiadin nganggan dadaman;
- (6) Cuntaka sangkaning mabukti madue panungkan sane tan sida waras salamine, kadi angganing hila, buduh, ngawijilang reged saking silit, bhaga, purus, tan henap mameres, berung borok tahunan mabaneh, miwah saluir punika. Suene cuntaka, salamine tan waras;
- (7) Cuntaka sangkaning cedangga sane kabakta saking wawu mbas saking garbha wasaning ibu, punika tan kawenang napak palemahan panucyan genah nuci gening;
- (8) Sang sapasira ugi krama desa sane kahanan cuntaka, tan wenang ngaranjing ka Pura Kahyangan, ka panucyan kalaning nuci gening, minakadi genah saluiring genahsanekinucap suci pingit. Tan wenang ngaryyanin saji. Sajawaning banten sane pacang katur ka Prajapati, Dalem Panguluning setra, dados karyanin ring umah sang cuntaka kalaning mangupakara sawa;
- (9) Yan wenten cuntaka antuk ngraksa sawa wiadin layon, mapakayun ngarawuhin karyan hayu atma wedhana, wantah dados mabhakti ring sang wenang bhaktinin, saking liwaring piyadnyan;
- (10) Yan wenten krama desa durung tutug cuntakane, raris mamurug larangan, yan wenten ngatengahang ka desa, Prajuru Desa niwakang pamidandha manut parararem;
- (11) Yan wenten anak istri, sangkaning tan meha ngraja ring pura, wiadin ring genah larangane siosan, raris kacirenan, wenang kapidandha tanmeha manut pararem;
- (12) Rikalaning krama desa tedun makarya, sang kacuntakan hamung dados ring nista mandhalaning pura. Yan mamurug wenang kadandha mrayascita;
- (13) Yan wenten krama desa, kacuntakan antuk ngraksa sawa, wiadin layon, napkala pagilih pagantosan subak babanjaranya ngaci-aci ring kahyangan desa, wenang tan tedunmayahan, tan dinosan. Nanging yan wenten pasadok sang cuntaka ring Prajuru Desa. Yan wus tutug cuntakane, patut naregteg yan kari ngalantur patedunane. Mungguing piturunan, pawijilan daging, yogya kataur kahetang pangarga;
- (14) Yan cuntaka gamya gamana, Prajuru Desangaturang sang malaksana ring Sang Amawarat. Yan sampunwenten pamutus, ring desa kapidandha manut pararem;
- (15) Cuntaka sangkaning mabukti salah timpal, kapidandha manut pararem. Buronsanekaajak masanggama kararung;
- (16) Anak luh beling tan kapariangken antuk lanange, suene cuntaka kantos wenten pangupakara panangaskara kula wisudha, anake beling mawidhi widana pawiwahan masanding keris pinaka linggan sang purusa;
- (17) Yan wenten krama madue kapatian anak alit durung kepus pungsed kakinsanag ring setra pondong wenang matanem, yen wenten memurug kapidaden manut paraem;

Pawos 38

- (1) Indik Sosot :
ha. Sapasira ugi pacang naur sosot wiadin punagi, saluiring punagi, sane patut

- nganggan pamegat sot, dados naur sosot yan tan kalaning dina piodalan. Ngetigang dinayang piodalan, sang pacang naur punagi patut masadok ring pamangku purautawi Prajuru Desa, panauran punagi punika kapuput antuk kebayan lan Balian desa kalaksanaang yan sampun putus banten pangodale saha kaupasaksi antuk Kanca enem belas.
- na. Sapa sira ugi naur sasangi pacang ngaturang pangodal ugi mangda ring dina pagantosan piodalan. Sang naur punagi, wenang nunas kanti patulung karyantur nyukseraang daging cumek saprabeaning pangodal. Mapisadok sakasep ipun tigang sasih sadurung dina pangodale;
- ca. Sapasira ugi naur sasangi suaran tangguran saluiring tatabuhan, sasolahan, minakadi saluir ipun, mungguing prabea punika sami kaangganin antuk sang masasangi;
- ra. Indik kakalapan ritatkala krama desa naur sasangi manut dresta.
- (2) Sapasira ugi ngaturang Dana Punia, punika sami patut kahunadikaang antuk Prajuru Desa, mangda kasidan mapwara hayu. Haturan punika kaungguhang sajeroning lekita;
- (3) Sasampun puput pangaci-aci puja waline, sasarin canang punika kapupulang saha kawilangin. Kahunadikaang antuk Prajuru Desa, indik tatiwak kalih pamargin ipun, sangkaning jati nirmala;

Palet 2

Indik Resi Yadnya

Pawos 39

- (1) Krama Desa, yogya ngawrediyang kapradnyanan, kautamaan Sang Hyang Aji, asewaka nunas pawarah ring sang maraga widagdha pradnyan, pingajeng ring sang kasinanggah guru loka;
- (2) Prajuru Desa lan Huluapad, ngutsahaang kawrediyang kamuruban kautamaan Sang Hyang Aji, ngawentenang paruman, parembugan, pinaka genah krama desa mamungguhang pawarah-warrah hayu;
- (3) Kalaning diwasa hayu, wenang desa atirtha yatra, wenang desa ngaturang punia miwan resi bhojana ring dane Pemangku utawi jro Balian desa lan Kebayan. Taler kalaning karya utama ring desa, saluiring karya sane kaputus antuk Kebayan/Pinandita/Jro Balian desa patut ngaturang punia. Asapunika taler ring sang mapitulung patut maweh dana;
- (4) Sapasira ugi krama desa mapakayun pacang mapodgala, taler mangda wenten pasadok ring Prajuru Desa, sajaba patut polih palugrahan saking Guru Wisesa;
- (5) Prajuru Desa, mamatut pisan, yan krama desane mapunia ring sang pradnyan, ring sang widagdha, ring sang satata ngarajegang dharma, pingajeng ring Ida Sulinggih pasuryan nane soang-soang.

Palet 3

Indik Pitra Yadnya

Pawos 40

- (1) Pamarggin ngupakara sawa wenten makudang-kudang soroh, luire :

- ba. Magsudem ring pecawa;
 - ba. Makingsan ring ghuu.
 - ca. Atwa-twa, utawa paleben, utawa nguden;
 - ca. Yan tate durung makapak utta wus kegus odel bantaka, wening ngungge pangentus dangdang marsudha klungit kluga pating, ngurut ngurut, tan wening kaubemang
- (2) Supasira ugi, tan kawasa makta sawa ka desa, yan sawa ita sampun kem pangapakara sawa. Yan wenten mamurug, yoga kapidandha manut pararem;
 - (3) Salurung upacara atwa-twa, paleben, nguden, yan ngeseng ring setra ug kawenanganya, tan wening ring karung paumahan lan ring karung desa. Tan mamurug, wening kapidandha marsudha desa;
 - (4) Yan wenten karma desa ngurung sawa, macamama, mabersih kawenanganya, tan kaluga lintangan tingpitang rahina ngwit saking dina setane yan wenten mamurug kapudada manut pararem;
 - (5) Sadurung ngemargan Pitra yadnya kewetmang upacara Ngempet inggit pumika wenten ngemargan Upacara dewa yadnya di kaluyangun Desa, teler tan kaluga ngemargan upacara sane ka upasaksi saking Karma erem belas;
 - (6) Pitra Yadnya kaluga kamargan ryudran limang warsa, yan wenten mamurug kapudada manut pararem;
 - (6) Kaangkat ngelaksanayang Pitra yadnya, lempas saking galat ngelimg warsa pumika, sajabaning sasit Jesta ngutus sasit kelimo sakemowon sang melaksana atwa-twa wening marsudha di kaluyangun lan kaluyangun desa antuk upacara Ngebo kaprabye antuk sang medue upacara Pitra yadnya pumika. Waning ngaturang upacara Ngebo sadurung desa adit ngemargan upacara Pubalik sumpah ring pura Desa;
 - (6) Supasira ugi karma desa mendem sawa kalung dina berungun desa, kawasa, nanging ugi masawen, durung magugumuk, laku kinsan ngurut sasampun polih palugralan saking Prayara Desa;
 - (8) Yan makingsan ring ghuu, sawa greseng hasil hinatur, manut karma Yoga ngungge urta palersihan. Munggunng dewasa, sa sor igun dewasane dadas margunin mendem sawa;
 - (9) Tan kaluga nginepat miwah ngwangheang dangdang ring setra, yan wenten mamurug dandha mayasita setra;
 - (10) Indik padewasan :
 - ba. Padewasan mendem ring perbiwa miwah makingsan ring ghu, wening kawakang antuk Sandesa;
 - ba. Padewasan atwa-twa, kawakang antuk sawapacang mugut, yoga sampun kapatut antuk Sandesa;
 - ca. Indik larangan ngupakara sawa, sajada ngunguhang ka tumpang sulu, sane kamanggehang sajeroning desa, lura : Gada Wage, Samisara Kliwon, Anggara Kliwon, Kadite Unamis, Sukra Pon, Samisara Wage, Kadite Kliwonika semat sadulur), malit dina Sukra Kliwon, Samisara Unamis, Kadite Pahing (ika kala gotungun), yan ring dina, miwah ring tanggal panglong, pitug 15. Tanggal panglong pitug 14 miwah tanggal panglong 1, Wrehaspati naja tanggal panglong pitug 1, 8, yan ring Wrehaspati, inggit Wong, lan Pasah. Yan wenten mamurug kapidandha manut pararem;
 - ca. Yan pacang ka setra makasawa, tan kaluga ngurjalo, yan mamurug kapidandha manut pararem;

2. Mat wewate sawa tan kaparihingken ring wawengkon desa, ingatanan bedagan desa, yoga Prigara Desa musadik ring Sang Amawanti.
3. Mat wewate sawa sahkelating salah pati, angulah pati, mati kapangawan, minakadi salur ipun, desa tan ngalarangin, yan sawa punika timwaken pamarangken. Saha bedung sang madue, minakadi Jo Mangku utawi balian Desa, kaduwar sate pancing muput.
4. Mat wewate sedit genahite sajudaning karang pomahan, yoga sang madue wewate mawawacita mawawacita genah punika. Yan sawa tan kaparihingkenan, genah punika patut kapawacita kapawacita antuk sang madue emponan;
5. Mat wewate krama desa kasediaan sajeroning jagi ngawangun upacara dewa waditra, yoga sang sedit kapawacang kemanten, saha nenten kasobyahang, manut pampitrikan Prigara Desa.

Pawos 41

Indik Angatma Wedana

1. Sapasira ugi krama desa, yan kalaning angatma wedhana, luire: ngaroras, patileman, halgwa, tan wewang ngawangunang petak, payadnyan, ring palemahan pura.
2. Sapasira ugi was ngawangun karya angatma wedhana, yoga karang payadnyan ika kagratma, sakasep ipun petang dasa kalih dina saking dina karyane;

Palet 4

Indik Manusa Yadnya

Pawos 42

1. Sapasira ugi krama desa, ngawangunang sahuring upacara manusa yadnya, tan wewang magenah ring wawidangan palemahan pura kahyangan desa. Yan wewate mawawacang wewang kapidandha manut pararem;
2. Manusa waditra sane dados kamanggih sajeroning desa ugi nganutin dresta;

Palet 5

Indik Bhuta Yadnya

Pawos 43

1. Pacarawan manut ungguan, luire :
 - a. Pacarawan Desa Sada kala :
 - 1) Panca satha ngamasa-masa, kala Tilem Kasanga, magenah ring pempatan agang, kaemponin antuk krama desa;
 - 2) Manca sanak, ngalimang masa, kala Tilem Kasanga;
 - 3) Tabuh Gentuh, ngadasa masa, kala Tilem Kasanga, nuju rah windu utawi manut sakabuatan.
 - b. Pacarawan Desa padgatakala: rikala jagate kabrebehan, kagringan, kadurmanngalan, katiben Panca-bhaya, miwah sane siosan patut carunin;
 - c. Agang ahit cara, manut ungguan macaru, babuatan pacaruan, kalih nista Madhya utamaning cara manut gagaduhan pura inucap.

- (2) Pasegeh tunggil Kajeng Kliwon, Purnama, Tilem, kasanggra antuk pamangku soang-soang. Padagingan saking palabha Bhatara ring Puseh Desa Adat Munti Gunung, kaantebang antuk pemangku soang-soang;
- (3) Pacaruan ring pura Kahyangan, Pamrajan, Dadia saluire, manut dresta minakadi gagadhuan pura soang-soang;
- (4) Pacaruan ring Pura Dalem, manut dresta minakadi gagadhuan Pura Dalem ika;
- (5) Pacaruwan ring banjar Adat sajeroning desa, rikala Kajeng Kliwon nuju sasih karo, ngararis pacaruwan ring karang pomahan soang-soang;
- (6) Yan wenten sinalih tunggil Pura Kahyangan, reneng pacaruane sasune kantoslimang plabuh, wenang Prajuru Desa mamaosin. Yan wus puput babaose, yogya maguru piduka, ngawit masasapuh mangda kasidhan ngaturang pangaci-aci;
- (7) Ring rahina sasih kasanga ngamargiang upacara: Ngyasa, kekwawitin saking labuh gentuh ring parempatan agung desa. (ring Bhuta Yadnya)
- (8) Pacaruan kalaning Tilem Kasanga, kewentanang upacara ngaturang pakelem ring sagara, lan kewentanang acara nogtog (ngeburang Bulu-bulu) ring pempatan .

SAT SARGAH

SUKERTA TATA PAWONGAN

Palet 1

Indik Rangkat

Pawos 44

- (1) Indik rangkat punika, manut desa kala patra, mwanng sima dresta, sane kapatutang tur katinutin antuk krama desa soang-soang, tan singsal ring uger-uger panegara, luire :
 - ha. Papadikan;
 - na. Ngarorod;
 - ca. Ngunggahin;
 - ra. Narimen utawi katrimenan.
- (2) Parikrama rangkat kasinangah puput, yan sampun mawidhi widhana pawiwahan, sanistanya mabiyakawon tur malukat (makandal) kasaksinin antuk tri upasaksi;
- (3) Yan wenten anak istri karangkatang, yan kantos arahina ring awengi saking matinggale tan wenten pasadok pajati, yogya sang madue wirange nunas kanti ring Prajuru Desa mangda ngamargiyang saserepan. Yan sampun sinah genahnya, ngraris ngamargiyang panegdeg, saha nunas kanti ring Sang Amawarat;
- (4) Sang sapisira ugi krama desa, yan karawuhan Tamiu praya masinutan malarapan antuk ngarorod, ugi mangda masadok miuningang ring Prajuru Desa. Prajuru Desa yogya maritetes, yan sangkaning tan patut pamargin rangkatnya, nguduhang mangda katur ring Sang Amawarat. Yan mamurug, kapidandha manut pararem, tur tamiyu punika katundung saking desa;
- (5) Yan wenten krama desa ngamet anak istri antuk mlegandang, mamendet, marikosa, miwah saluiripun, tan sangkaning silih demen, tan yogya pinuput

- pawidhi widana pawiwahannya sadurung wenten pamutus saking Amawarat;
- (6) Yan wenten saking liwaring desa pacang muput rangkat, sang madue wirang luh yogya nunas pasaksi ring Prajuru Desa mangda wenten ngarawuhin, tur anake istri sane marangkat ngarorod patut ngaturang panebas kanya ka desa manut pararem;
 - (7) Yan wenten krama desa ngarangkatang anak istri sios ring agama Hindu, pawidhi widana pawiwahannya patut kalaksanaang sasampun anak istri punika masudi wadani.

Ngarug Sesana

Pawos 45

- (1) Yan wenten anak lanang mobotin anak istri sane sami-sami durung madue rabi, tur sabda kapariangken, yan katur bebaose ka desa, Prajuru Desa patut ngutsahaang sang kalih mangda majangkepan alaki rabi, tur mawidhi widhana pawiwahan kadi patute;
- (2) Yan wenten krama desa mobotin anak istri, salah sinunggal sampun madue rabi, padha-padha sampun madue rabi, wirangriya patut ngaturang wicara punika ring Prajuru Desa, yan tan puput babaose, yogya kaaturang ring Sang Amawarat.

Palet 2

Indik Nyapian

Pawos 46

- (1) Sane kabaos nyapian inggih punika sang palas marabian, sane sampun katiwakan pamutus antuk Sang Amawarat minakadi sampun kakerabang ring paruman desa;
- (2) Krama desa sane palas marabian, sasampun polih pamutus saking Sang Amawarat lan Bandesa patut masadok miuningang ring Prajuru Desa, sakasep ipun asasih saking palase;
- (3) Yan wenten krama desa ngarangkatang sapian, sadurung tigang saih utawi 105 (satus lima) dina saking dina palase, yogya sang ngarangkatang sapian punika keni dandha pakerang manut pararem;
- (4) Yan wenten anak istri wit saking desa, nyapian mawali ka desa, yogya sang madue wirange mruyascita marisudha anak istri punika maupasaksi Prajuru Desa.

Palet 3

Indik Balu

Pawos 47

- (1) Sane kabaos balu, anak istri utawi anak lanang sane katinggal seda antuk rabine, wiadin anak lanang katinggal nyapian taler kawastanin balu.

- (3) Yan wenten bahu lanang ngawengku karang, madue santana istri sampun antes mayahan, yogya mayahan bulangkep.
- (4) Yan wenten bahu istri, madue Santana lanang sampun antes mayahan, yogya mayahan bulangkep.
- (5) Yan wenten anak istri bahu, marangkat yogya rangkat punika kapuputang manut dresta. Yan babalon punika kantuan pgeh kapuputang antuk wirang lakine rihin, lan kausasaksi Prajuru Desa.
- (6) Mungguing wawanengan babalon istri utawi rangda, ring indik wawarisan, minakadi sane siosan, nganutin uger-uger sane kamjegang antuk Sang Amawarat.

Palet 4

Indik Santana

Pawos 48

- (1) Krama desa ngarajegang santana ka purusa saking sidhikara tunggal lan paperasan manut dresta;
- (2) Sapasira ugi krama desa meras santana, nuduk mantu, makedihang utawi nerahang raga, yogya sangkaning radin, maduluran upacara widhi widana, kasaksinin Prajuru Desa, saha polih lekita pamikukuh saking Sang Amawarat, kasiarang ring desa;

Palet 5

Indik Wawarisan

Pawos 49

- (1) Sane wenang kawarisin, luire :
 - ha. Among-amongan ring desa, ayah ayahan saurah-arih;
 - na. Hutang-pihutang sang kawarisin;
 - ca. Saraja drue, bhrama, tegal, carik, tatamian, sakancan kasugihan.
- (2) Sane wenang ngawarisin :
 - ha. Manut lalintih paprenahan adoh tampek saking purusa tunggal sidhikara, tunggal dadia;
 - na. Putra dadaman wiadin putra paperasan;
 - ca. Santana saking nuduk mantu;
 - ra. Sangkaning polih pitemes saking sang kawarisin sang madue saluir sane dados kawarisan, saking palugrahan Amawarat, pinih akeh apahtigian saking padruenan nane maka piilih-olih pagunakayan;
- (3) Sapasira ugi Krama Desa, yan tilar saking agama Hindu, tan yogya ngawaris sane kamulan patut kawarisin.
- (4) Ngedum wawarisan, kapatut pinih sor sasampun puput maabenang kalih ngalinggihang pitara sang ngawarisan. Sane dados dum, sajaba mangge padagingan pangaci-aci, minakadi saluiring sane mangge piranti ngalaksanaang upacara agama, pustaka-pustaka sane kapingitang saluir ipun.
 - ha. Yen wenten anak istri palas marabian : ten kalugra ngedum warisan due tengah.

na. Rangka ten kawenang ngesahang due tengah.

SAPTAMAS SARGAH
WICARA LAN PAMIDANDHA

Palet 1

Indik Wicara

Pawos 50

- (1) Saluiring wicara Adat, ring wawidangan desa, wenang rinaosan olih Prajuru Desa. Yan tan kasidhan puput katur ring Sang Amawarat;
- (2) Yan wenten wicara indik adat ring banjar, minakadi sekaa-sekaa siosan, yogya kabaosin antuk prajurunya soang-soang, yan tan kasidhan puput, wenang katengahang ka desa, Prajuru Desa yogya mamaosin;
- (3) Yan sang mawicara taler tan tinut ring pamutus wicara sane katiwakang hinucap ring ajeng, prasidha sang mawicara tan kalugra polih patulung saking desa utawi kasepekang kantos puput wicarannia.

Palet 2

Indik Pamidandha

Pawos 51

- (1) Pamidandha sane wenang katiwakang antuk Prajuru Desa, Banjar, sekaa-sekaa sawawengkon desa, sakadi ring sor puniki :
 - ha. Dandha artha;
 - na. Dandha ayah-ayahan;
 - ca. Upasaksi, dewa saksi, pangrarata, sumpah;
 - ra. Dandha panyangaskara, luire; mrayascita, marisudha, miwah saluir ipun;
 - ka. Kasepekang, kaeladang;
 - da. Pamidandha siosan manut palugrahan Sang Amawarat.
2. Patiwak pamidandha, manut ungguan wicarane soang-soang, minakadi werat ringan wicara inucap, luire :
 - ha. Yan wicara ring desa Adat, yogya kapidandha antuk desa. Mungguing dadandhan ngaranjing ka desa;
 - na. Yan wicara ring Banjar Adat, sekaa-sekaa, yogya kapidandha ring banjar Adat utawi sekaa-sekaa siosan, dadandhan ngaranjing ka soang-soang.
3. Agung alit dadandhan, manut panglokikan agung alit werat ringan kasisipane sane mungguh ring Awig-Awig, gagaduhan soang-soang, manut pamutus paruman.

ASTAMAS SARGAH

NGUWAH-NGUWUHN AWIG-AWIG

Awig-Awig @ Desa Adat Munti Gunung, Kubu, Karangasem - Bali
Awig-Awig @ Desa Adat Munti Gunung, Kubu, Karangasem - Bali

Pawos 52

- (1) Sane wenang nguwah-nguwuhin inggih punika, pasukertan, pasuara, pamutus parareman, wiadin pamutus paruman miwah sane siosan sapanunggilanya;
- (2) Indik nguwah-nguwuhin pasukertan, pasuara, wiadin pamutus parareman wiadin pamutus paruman miwah sane siosan, manut tata kramaning paruman;

NAWAMAS SARGAH

PAMUPUT

Pawos 53

- (1) Awig-Awig puniki mawasta Awig-Awig Desa Adat Munti Gunung;
- (2) Awig-Awig puniki pinaka bantang sahananing Awig-Awig, Pasuara, Pasukertan, miwah saluiripun, sane maangge ring Pura Kahyangan, Banjar, Subak, Sekaa-sekaa sane wenten sajeroning Desa;
- (3) Pura Kahyangan Desa, Tri Kahyangan, Banjar, Sekaa-sekaa sane wenten sajeroning Desa, wenang ngawangunang Awig-Awig, pasukertan, pasuara, gagaduhan soang-soang, nanging daging ipun tan dados singsal utawi tungkas ring Awig-Awig Desa Adat Munti Gunung;
- (4) Saluiring sane during munggah utawi kinucap ring Awig-Awig puniki, kaunggahang sajeroning pararem, pamutus paruman Desa Adat Munti Gunung;
- (5) Dresta kuna sane kari dados angge, yan tan tungkas ring daging Awig-Awig Desa Adat Munti Gunung, manut kojaring sastra Agama Hindu, anut ring uger-uger nagara, saha kaputusan sajeroning sangkepan miwah paruman Desa Adat Munti Gunung;
- (6) Awig-Awig Desa Adat Munti Gunung, puniki kawangun antuk Krama Desa Adat Munti Gunung, kapastika manut Upacara Agama Hindu, kaladina;....., Uku, tanggal/panglong ping,, rah,, tenggek,, Isaka, magenah ring, kapuput antuk Kebayan lan Balian Desa
- (7) Awig-Awig puniki kalingga tanganin antuk Prajuru Desa, luire : Bandesa, Pangliman Desa, Penyarikan, Juru Raksa, saha kasarengin Klihang Banjar tur kasaksinin antuk Klihang Banjar Dinas Munti Gunung, Perbekel Tianyar Adat, Camat Karangasem, kakukuhang antuk Bupati Karangasem;
- (8) Awig-Awig puniki kalaksanaang ngawit dina : kantos salantur ipun;
- (9) Luwir sang ngalingga tanganin :

ha. Kapratama : Prajuru Desa Adat Munti Gunung:

1.




Pangliman,

2.

Pawongan/Palemahan

Parhyangan

Keliang Banjar Adat Dauh Tukad Suukan



na. Maka Saksi :

1.

Kepala Wilayah Munti Gunung,

I Ketut Lanus, S.Pd

2.

Kepala Wilayah Munti Gunung Kauh

I Nyoman Sipel, S.Pd

3.

Kepala Wilayah Munti Gunung Kangin

I Nyoman Yogi Adiarmaja

4.

Kepala Wilayah Munti Gunung Tengah

I Made Merta


5.

Perbantel Desa Tiangar Barat.

I Made Agung Yorisak Juliawan, SE

3.

Camat Kulu,



I Yonah Sura, S.Sos., M.AP

1965 1986021002

ca. Kalekitaang ring Kantor Bupati Karangasem,
Duk rahina tanggal Maschi
Reg. Nomor :

BUPATI KARANGASEM,

I Gusti Ayu Mas Sumatri, S.Sos.,MAP